

PRAVILA

nagradne igre Raiffeisen BANK dd Bosna i Hercegovina

Firma, sjedište priređivača i naziv nagradne igre

Raiffeisen BANK dd Bosna i Hercegovina, Zmaja od Bosne bb, 71000 Sarajevo, PDV broj 200344670009, je priređivač nagradne igre "Pokrećemo novac nabolje"

Vrijeme i mjesto održavanja

Nagradna igra trajat će u periodu od 21.09.2011. do 31.03.2011. godine ili do isteka zaliha nagradnog fonda, na području Republike Srpske.

Svrha nagradne igre

Svrha nagradne igre je promocija usluge Western Union transfer novca u Raiffeisen BANK dd Bosna i Hercegovina.

Uslovi za učešće u nagradnoj igri

U nagradnoj igri mogu učestvovati svi korisnici usluge Western Union transfer novca koji u periodu trajanja nagradne igre obave pet (5) transakcija slanja ili prijema novca. Klijent će prilikom obavljanja prve transakcije dobiti Karticu povjerenja u kojoj se svaka Western Union transakcija obavljena u Raiffeisen banci evidentira otiskom pečata.

Nakon što skupe pet pečata u Kartici povjerenja Klijenti mogu preuzeti nagradu u vidu poklon paketa iznenađenja u bilo kojoj poslovnici Raiffeisen banke. Karticu povjerenja sa pečatima i osnovnim podacima o klijentu zadržava Banka za svoje potrebe.

U slučaju da Banka u određenom trenutku ne raspolaže dovoljnom količinom poklon paketa u određenoj poslovnici dužna je dobitniku u roku od sedam (7) radnih dana obezbijediti mogućnost podizanja poklon paketa u datoj poslovnici.

U nagradnoj igri jedna osoba može imati više kartica povjerenja, a do isteka nagrada iz nagradnog fonda. Podaci o Klijentu prikupljeni ovom nagradnom igrom tretirat će se u skladu sa važećim zakonskim propisima.

Sve kartice povjerenja učestvuju u nagradnom izvlačenju u kojem će moći osvojiti jednu od tri (3) glavne nagrade.

Nagradni fond

Ukupna vrijednost nagradnog fonda sa uključenim PDV iznosi 5891,00 KM. Ukupni nagradni fond je 703 nagrada, od čega 700 paketa iznenađenja, te 3 glavne nagrade.

Glavne nagrade su vaučeri za vikend aranžman za dvije osobe na bazi dva puna pansiona:

- u kompleksu Banja Vrućica (hotel Kardial) u vrijednosti od 460,00 KM
- u hotelu sa 3* u Neumu u vrijednosti od 450,00 KM
- u hotelu Pahuljica na Vlačiću u vrijednosti od 492,00 KM

Učesnici nagradne igre u paketu iznenađenja u prilici su dobiti sljedeće nagrade:

- Paket 1 – peškiri 300 kom x 5,50 KM
- Paket 2 – manikir set 50 kom x 9,38 KM
- Paket 3 – stoni sat 50 kom x 9,48 KM
- Paket 4 – kišobran 200 kom x 5,97 KM
- Paket 5 – majica 100 kom x 7,02 KM

Ne postoji mogućnost zamjene nagrada ili isplate u novčanoj protivvrijednosti.

Način upoznavanja učesnika o nagradnoj igri

Učesnici će o nagradnoj igri biti obaviješteni putem sredstava javnog informisanja, u skladu sa komunikacijskim planom ove nagradne igre.

Izvlačenje dobitnika nagrade i kontrola izvlačenja

Dobitnici će nagrade dobivati u poslovnicama banke, nakon što prikupe pet (5) pečata u kartici povjerenja. Kartice povjerenja učestvuju u izvlačenju glavnih nagrada koje će se održati 19.04.2012. u prostorijama Banke. Dobitnici će biti izvučeni slučajnim odabirom. Izvlačenje će nadgledati tročlana komisija koju odabere Priređivač. Odluka komisije je konačna i obavezujuća i neće biti dozvoljena dalja korespondencija.

Na izvlačenju će biti izvučeno ukupno tri (3) dobitnika. Osim dobitnika, komisija će izvući i tri (3) alternativna dobitnika, što će biti konstatovano zapisnički.

Bit će podijeljene sve nagrade, a tokom izvlačenja nagrada bit će sačinjen zapisnik koji će sadržavati datum rođenja dobitnika, ime i prezime, mjesto stanovanja, te kontrolne brojeve transakcija.

Objava rezultata izvlačenja

Rezultati nagradne igre bit će objavljeni najkasnije do 15.05.2012. na web stranici banke www.raiffeisenbank.ba

Dobitnici glavnih nagrada bit će objavljeni u dnevnim novinama Euroblic, najkasnije 15.05.2012.

Obavještavanje dobitnika i uručenje nagrada

Dobitnici će po predočenju popunjene Kartice povjerenja, na šalteru bilo koje poslovnice Raiffeisen banke biti obaviješteni da su dobili nagradu – poklon paket iznenađenja koja će im biti uručena na licu mjesta.

Dobitnici glavnih nagrada bit će obaviješteni telefonskim ili pismenim putem najkasnije 10 dana od izvlačenja. Ukoliko ne bude moguće kontaktirati dobitnika nagrade u roku od 15 dana od izvlačenja na osnovu kontakt podataka koje Banka ima o dobitniku, isti gubi nagradu, a obavještavaju se alternativni dobitnici u narednih 7 dana.

Dobitnici glavnih nagrada će iste preuzeti u zgrad Centrale Raiffeisen banke u Sarajevu, u ulici Zmaja od Bosne bb ili zgradi GF Banja Luka, u ulici Vase Pelagića 2, zavisno od dogovora sa Priređivačem, u roku od 20 radnih dana od dana obavještenja o nagradi. Pri preuzimanju nagrade dobitnik je obavezan pokazati lični identifikacioni dokument sa fotografijom.

Porez na dobitak, u skladu sa zakonom, snosi dobitnik. U skladu sa Zakonom o porezu na dobitak dobitnik će izvršiti uplatu poreza i donijeti organizatoru nagradne igre potvrdu o izvršenoj uplati na osnovu koje može preuzeti nagradu.

Glavne nagrade se moraju iskoristiti najkasnije do 30. juna 2012.

Učesnici mogu biti pozvani da učestvuju u javnim događajima. Učesnici i pobjednici u nagradnoj igri prihvataju uslov da imena pobjednika, njihova adresa i fotografija mogu biti korišteni i objavljeni kao foto, audio i videomaterijal od strane Priređivača. Učestvovanjem u nagradnoj igri učesnici daju dozvolu organizatoru da koristi njihova imena i/ili ličnost radi reklame ili prodaje bez bilo kakve dodatne kompenzacije.

Pravila nagradne igre

Svi učesnici nagradne igre saglasni su sa pravilima nagradne igre koja će biti objavljena u dnevnim novinama Euroblic.

Mogućnost prekida nagradne igre

Organizator zadržava pravo prekida nagradne igre usljed više sile uz obavezu najave putem sredstava informisanja, te bez bilo kakvih drugih obaveza prema učesnicima nagradne igre.

Rješavanje sporova

Svi eventualni sporovi između organizatora i dobitnika u vezi nagradne igre rješavat će se sporazumno, a ako se u tome ne uspije nadležan je Osnovni sud u Banjoj Luci.

Michael G Mueller
Direktor